



**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Ministarstvo privrede**

## **Operativni/akcioni plan 2018.-2020. godina**

Strategije razvoja Tuzlanskog kantona  
za period 2016.-2020.godina

januar, 2018. godine

## Sadržaj

1. Uvod.....	3
2. Proces izrade operativnog/akcionog plana.....	4
3. Sažetak izvještaja o provođenju strategije za prethodnu godinu .....	5
4. Sažeti pregled operativnog/akcionog plana za 2018-2020.....	7
Prilog: Operativni/Akcioni plan sa finansijskim okvirom za period 2018-2020.godina Strategije razvoja Tuzlanskog kantona 2016-2020.godina – tabelarni prikaz .....	8

## 1. Uvod

Strategija razvoja Tuzlanskog kantona 2016. – 2020. godina predstavlja ključni strateško-planski dokument Tuzlanskog kantona, koji treba da podstiče njegov budući rast i razvoj, te predstavlja osnovu za izradu detaljnih planova i programa u pojedinim sektorima, kreira osnovu za praćenje napretka te potiče na saradnju i dogovor u planiranju različitih nivoa vlasti i društveno-ekonomskih partnera. Strategija je usvojena Odlukom Skupštine Tuzlanskog kantona na sjednici održanoj 29.01.2016. godine ("Službene novine Tuzlanskog kantona", broj: 2/16 od 12.02.2016.godine)<sup>1</sup>.

Strategijom razvoja Tuzlanskog kantona 2016. – 2020. godina definisana je vizija razvoja, koja predstavlja težnju, dugoročnu namjeru, pravac djelovanja i poželjno stanje kantona u budućnosti. U tom smislu, vizija razvoja Tuzlanskog kantona je predstavljena kao „**Tuzlanski kanton - otvorena, ekonomski atraktivna i društveno dinamična evropska regija, koja na prepoznatljiv način osigurava spoj industrijske tradicije, održivog razvoja i kvalitete života za svoje građane i ljude koji u njemu borave, rade i investiraju**“.

Vizija razvoja Tuzlanskog kantona ostvarit će se kroz 5 strateških ciljeva, a koji se dalje razrađuju kroz 15 prioriternih ciljeva.

**Tabela 1: Pregled strateških i prioriternih ciljeva**

<b>Strateški ciljevi</b>	<b>Prioritetni ciljevi</b>
<b>Strateški cilj 1:</b> Osigurati stabilnost i prosperitet razvoja privrede Tuzlanskog kantona	<ol style="list-style-type: none"><li>1. Razviti privredu Tuzlanskog kantona realizacijom novih investicija i poticanjem sektora poduzetništva;</li><li>2. Jačati konkurentnost sektora poljoprivrede;</li><li>3. Unaprijediti prometnu mrežu i povezanost Tuzlanskog kantona sa razvijenim tržištima.</li></ol>
<b>Strateški cilj 2:</b> Uspostaviti efikasne sisteme upravljanja razvojem ljudskih potencijala i tržišta rada, u cilju povećanja zapošljavanja	<ol style="list-style-type: none"><li>1. Poboljšati kvalitetu obrazovanja i naučno-istraživačkog rada;</li><li>2. Jačati i razvijati inkluzivne programe zapošljavanja.</li></ol>
<b>Strateški cilj 3:</b> Poboljšati kvalitetu života, sigurnost i socijalnu uključenost građana i učiniti politiku socijalne zaštite pravičnom i djelotvornom;	<ol style="list-style-type: none"><li>1. Poticati i razvijati sportsko-kulturne aktivnosti;</li><li>2. Unaprijediti socijalnu i zdravstvenu zaštitu;</li><li>3. Poboljšati bezbjednost građana od prirodnih i drugih opasnosti.</li></ol>
<b>Strateški cilj 4:</b> Modernizovati i učiniti ekonomski održivom javnu infrastrukturu, prvenstveno saobraćajnu, vodnu i energetska	<ol style="list-style-type: none"><li>1. Izgradnja nove i modernizacija postojeće vodne infrastrukture kako bi se zadovoljile potrebe stanovništva i privrede, te doprinijelo sigurnosti građana i zaštiti okoliša;</li><li>2. Infrastrukturu snabdijevanja toplotnom energijom, optimizirati i prilagoditi potrebama stanovništva i privrede;</li><li>3. Modernizovati saobraćajnu infrastrukturu i osigurati funkcionalno, ekonomski i okolišno održivo povezivanje sa okruženjem</li></ol>
<b>Strateški cilj 5:</b> Uspostaviti funkcionalan sistem zaštite okoliša i održivog upravljanja prirodnim resursima	<ol style="list-style-type: none"><li>1. Uspostaviti funkcionalan sistem monitoringa parametara zaštite okoliša kako bi se osiguralo praćenje i unapređenje stanja okoliša;</li><li>2. Zaštititi okoliš smanjenjem pritisaka i uspostavljanjem održivog upravljanja prirodnim resursima;</li><li>3. Uspostaviti funkcionalan sistem upravljanja otpadom kako bi se zaštitio okoliš i zdravlje stanovništva.</li><li>4. Intenzivirati provedbu principa i mjera energijske efikasnosti.</li></ol>

<sup>1</sup>Strategija je dostupna na sljedećem linku:

[http://www.vladatk.kim.ba/Vlada/Novosti\\_2014/strategija/Strategija\\_razvoja\\_TK\\_za\\_period\\_2016\\_2020godina.pdf](http://www.vladatk.kim.ba/Vlada/Novosti_2014/strategija/Strategija_razvoja_TK_za_period_2016_2020godina.pdf)

Odlukom o usvajanju Strategije razvoja Tuzlanskog kantona Vlada Tuzlanskog kantona zadužena je da svake godine donosi Operativni/Akcioni trogodišnji plan sa finansijskim okvirom za sprovođenje Strategije razvoja. Istom odlukom Ministarstvo razvoja i poduzetništva je imenovano kao Jedinica za planiranje i upravljanje razvojem u Tuzlanskom kantonu i zaduženo je da priprema Operativni/Akcioni trogodišnji plan, te šestomjesečne i godišnje izvještaje o stanju implementacije Strategije razvoja Tuzlanskog kantona. Šestomjesečne izvještaje predstavlja Vladi Tuzlanskog kantona, a godišnje predstavlja Vladi Tuzlanskog kantona i Skupštini Tuzlanskog kantona. Sva kantonalna ministarstva i drugi kantonalni organi su zaduženi da aktivno učestvuju u razvojnim procesima u Tuzlanskom kantonu, te da imenuju službenike, kao predstavnike svojih organa, koji će biti zaduženi za vršenje poslova koordinacije i druge poslove utvrđene Strategijom razvoja.

Također, članom 23. Zakona o razvojnom planiranju i upravljanju razvojem u Federaciji BiH („Službene novine Federacije BiH“ broj: 32/17) definisana je obaveza izrade trogodišnjih planova rada koji proizilaze iz strateških dokumenata, a koji su osnova za izradu DOB-a i PJI. Proces razvojnog planiranja u Tuzlanskom kantonu usklađen sa ovim zakonom.

## 2. Proces izrade operativnog/akcionog plana

Trogodišnji operativni/akcioni plan se izrađuje svake godine za sljedeće trogodišnje plansko razdoblje po principu “1+2“. Operativni/Akcioni plan 2018.-2020. godina izrađen je na osnovu Operativnog/Akcionog plana sa finansijskim okvirom za 2017.-2019.godinu za implementaciju Strategije razvoja Tuzlanskog kantona za period 2016.-2020. godina i Izvještaja o implementaciji Strategije razvoja Tuzlanskog kantona 2016.–2020. godina, za 2017. godinu kao i za period januar-juni 2017. godine, te na osnovu prikupljenih podataka od strane relevantnih aktera uključenih u proces implementacije strategije.

Strategijom razvoja Tuzlanskog kantona 2016.–2020. godina propisane su ključne funkcije kantonalnih ministarstava (i relevantnih sektora) kao i drugih kantonalnih organa uprave i kantonalnih upravnih organizacija unutar sistema za upravljanje razvojem. Tijela koja učestvuju u izradi akcionog plana su sljedeća:

- Ministarstvo razvoja i poduzetništva kao Jedinica za planiranje i upravljanje razvojem u Tuzlanskom kantonu i zaduženo je da priprema Operativni/Akcioni trogodišnji plan. Imenovano je Odlukom Skupštine Tuzlanskog kantona o usvajanju strategije.
- Kantonalni odbor za razvoj (KOR) kao operativno tijelo u procesu planiranja monitoringa, evaluacije i izvještavanja. KOR je osnovan od strane Vlade Tuzlanskog kantona i ima operativnu ulogu u procesu izrade akcionog plana.
- Vijeće za razvojno planiranje i upravljanje razvojem Tuzlanskog kantona kao tijelo Vlade Tuzlanskog kantona ima savjetodavnu ulogu u procesima definisanja, implementacije, monitoringa, evaluacije i izvještavanja o realizaciji razvojnih prioriteta u Tuzlanskom kantonu i djeluje u skladu sa principima partnerstva i saradnje. Osnovano je Odlukom Vlade Tuzlanskog kantona.
- Resorna ministarstva, grad i općine, te drugi javni organi iz Tuzlanskog kantona koji imaju aktivnu ulogu u implementaciji strategije.

Proces izrade Operativnog/Akcionog plana 2018.-2020. godina je pokrenut na sastanku KOR-a gdje su prezentovani radni materijali i inicijalni prijedlozi sadržaja, formata i elemenata Akcionog plana, Izvještaja o implementaciji Strategije razvoja Tuzlanskog kantona kao i Izvještaja o razvoju Tuzlanskog kantona, te usaglašavanje koraka njihove pripreme, a u cilju da u svim kantonima ovi akti budu urađeni po istom formatu i sadržaju, te da budu uporedivi. Na sastanku je posebno naglašena potreba da se uzme u obzir činjenica da sve planirane aktivnosti trebaju biti ugrađene i u godišnje planove/programme rada nadležnih institucija, odnosno svaka institucija treba usaglasiti svoj godišnji plan/program rada sa ovim trogodišnjim Operativnim/Akcionim planom te kasnije po njima i izvještavati.

Nakon toga je Ministarstvo razvoja i poduzetništva pokrenulo proceduru prikupljanja prijedloga, primjedbi i sugestija od strane općina, kantonalnih ministarstava i institucija u njihovoj nadležnosti, Privredne komore Tuzlanskog kantona i Obrtničke komore Tuzlanskog kantona kao i drugih nosilaca planiranih aktivnosti, a u cilju pripreme novog trogodišnjeg Operativnog/Akcionog plana 2018.-2020. godina.

Također, Ministarstvo razvoja i poduzetništva je 16.11.2017. godine objavilo na web stranici: [http://www.vladatk.kim.ba/Ministarstva/MRP/2016/Javni\\_poziv\\_SR\\_TK.pdf](http://www.vladatk.kim.ba/Ministarstva/MRP/2016/Javni_poziv_SR_TK.pdf) Javni poziv svim zainteresovanim javnim institucijama/udruženjima i fondacijama/privrednim subjektima/medijima/građanima sa područja Tuzlanskog kantona za učešće u procesu izrade Operativnog/Akcionog plana 2018.-2020. godina Integrirane strategije razvoja Tuzlanskog kantona za period 2016.-2020. godina kroz predlaganje mjera (projekata).

Na osnovu prikupljenih prijedloga od strane grada/općina, kantonalnih ministarstava i institucija u njihovoj nadležnosti, urađen je radni materijal Nacrta Operativnog/Akcionog plana za 2018.-2020. godina sa finansijskim okvirom koji je Ministarstvo razvoja i poduzetništva Tuzlanskog kantona, u cilju transparentnosti i prikupljanja dodatnih prijedloga i korekcija na isti, dostavilo svim učesnicima u procesu njegove izrade kao i članovima KOR-a prije drugog sastanka KOR-a.

Na drugom sastanku KOR-a su prezentovani radni materijali i date preporuke i smjernice za izradu Nacrta Akcionog plana 2018.-2020. godina koje su ugrađene u isti, te kao prijedlog ovog dokumenta prosljeđen na uvid Vijeću za razvojno planiranje i upravljanje razvojem Tuzlanskog kantona, a zatim je upućen na sjednicu Vlade Tuzlanskog kantona u cilju njegovog usvajanja.

Podršku Kantonalnom odboru za razvoj kao i Ministarstvu razvoja i poduzetništva Tuzlanskog kantona u ovom procesu su pružili predstavnici Projekta integriranog lokalnog razvoja (ILDLP), zajedničkog projekta Vlade Švicarske i Razvojnog programa Ujedinjenih nacija (UNDP) u BiH. Ova podrška se ogleda u pripremi inicijalnih prijedloga sadržaja, formata i elemenata izvještaja o razvoju kantona u FBiH za 2017. godinu i akcionog plana implementacije strategija razvoja kantona za period 2018.-2020. godina te usaglašavanju koraka njihove pripreme, kao i dodjeli konsultanta za redovnu razmjenu informacija i usaglašavanje u toku procesa izrade radnih materijala.

### **3. Sažetak izvještaja o provođenju strategije za prethodnu godinu**

Ukupno planirana sredstva za realizaciju Strategije razvoja Tuzlanskog kantona 2016.-2020. godina su na nivou od 346.971.980 KM, za ukupno 45 mjera u svim sektorima. Učešće po godinama, od 2016. do 2020. godine, iznosi 16% (2016.), 17% (2017.), 22% (2018.), 23% (2019.) i 23% (2020.), respektivno. Za sve predviđene mjere poznat je izvor finansiranja sa učešćem svakog od izvora finansiranja prema slijedećoj strukturi: sredstva Tuzlanskog kantona (cca 40%), potom sredstva Vlade FBiH (cca 24%), sredstva ostalih izvora (cca 17%), sredstva općina i grada (cca 6%), sredstva korisnika sredstava (2%), te sredstva drugih izvora poput Vijeća ministara BiH, Fonda za zaštitu okoliša, Agencije za vode, donatori i dr. sa (cca 11%).

Da bi se postiglo povezivanje razvojnih politika na širem regionalnom nivou i povezivanje politika ministarstava sa provedbom mjera Strategije, Odjeljenje za razvoj u okviru Ministarstva razvoja i poduzetništva Tuzlanskog kantona, vrši pripremu polugodišnjeg i godišnjeg izvještaja o stanju implementacije Strategije razvoja Tuzlanskog kantona, te isti predstavlja Vladi i Skupštini Tuzlanskog kantona.

Od ukupnog iznosa planiranih sredstava za implementaciju Strategije razvoja Tuzlanskog kantona za 2016. godinu, planiran je iznos od 55.153.742 KM, a vrijednost sredstava uloženi po svim osnovama iznosila je 33.312.569,21 KM ili 60,40% od planiranih sredstava.

U izvještaju o implementaciji Operativnog/Akcionog plana u periodu januar-juni 2017. godine Strategije razvoja Tuzlanskog kantona 2016. – 2020. godina planirano je provođenje ukupno 45 mjera sa 68 aktivnosti od čega je 18 mjera u okviru kojih nisu planirane pojedinačne aktivnosti te ih možemo nazvati opšte ili „samostalne“. Detaljan pregled stanja implementacije mjera/aktivnosti u ovom periodu dat je u slijedećem tabelarnom prikazu.

**Tabela 2: Pregled implementacije mjera/aktivnosti iz Operativnog/Akcionog plana Strategije razvoja Tuzlanskog kantona 2016.-2020. godina**

Strateški cilj	Mjere/Aktivnosti				
	Završeno	U toku realizacije	Nije u toku realizacije	Odgodeno	Otkazano
SC1: Osigurati stabilnost i prosperitet razvoja privrede Tuzlanskog kantona (ekonomski razvoj) - 13 mjera (9 samostalnih) i 13 aktivnosti:	0	18	2	0	0
SC2: Uspostaviti efikasne sisteme upravljanja razvojem ljudskih potencijala i tržišta rada, u cilju povećanja zapošljavanja (društveni razvoj) - 5 mjera i 17 aktivnosti:	0	15	0	2	0
SC3: Poboljšati kvalitetu života, sigurnost i socijalnu uključenost građana i učiniti politiku socijalne zaštite pravičnom i djelotvornom -7 mjera i 15 aktivnosti:	0	13	2	0	0
SC4: Modernizovati i učiniti ekonomski održivom javnu infrastrukturu, prvenstveno saobraćajnu, vodnu i energetska - 9 mjera (6 samostalnih) i 8 aktivnosti	1	10	3	0	0
SC5: Uspostaviti funkcionalan sistem zaštite okoliša i održivog upravljanja prirodnim resursima - 11 mjera (3 samostalne) i 22 aktivnosti	1	12	11	1	0
<b>UKUPNO</b>	<b>2</b>	<b>68</b>	<b>18</b>	<b>3</b>	<b>0</b>

Od ukupnog iznosa planiranih sredstava za realizaciju Strategije razvoja Tuzlanskog kantona za ukupno 45 mjera u svim sektorima za 2017. godinu planiran je iznos od 59.354.741 KM, a vrijednost sredstava uloženi u periodu januar-juni po svim osnovama iznosi 4.602.597 KM i to prema strukturi predstavljenoj u slijedećem tabelarnom prikazu.

**Tabela 3: Vrijednost realizovanih sredstava po Strateškim ciljevima u periodu januar-juni 2017. godine**

Strateški cilj	Vrijednost sredstava uloženi u periodu januar-juni 2017. godini	Ukupno planirana sredstva u 2017. godini
SC1: Osigurati stabilnost i prosperitet razvoja privrede Tuzlanskog kantona (ekonomski razvoj)	355.644	38.182.240
SC2: Uspostaviti efikasne sisteme upravljanja razvojem ljudskih potencijala i tržišta rada, u cilju povećanja zapošljavanja (društveni razvoj)	2.891.290	4.262.384
SC3: Poboljšati kvalitetu života, sigurnost i socijalnu uključenost građana i učiniti politiku socijalne zaštite pravičnom i djelotvornom	174.679	2.402.200
SC4: Modernizovati i učiniti ekonomski održivom javnu infrastrukturu, prvenstveno saobraćajnu, vodnu i energetska	906.754	11.995.000
SC5: Uspostaviti funkcionalan sistem zaštite okoliša i održivog upravljanja prirodnim resursima	274.230	2.512.917
<b>UKUPNO</b>	<b>4.602.597</b>	<b>59.354.741</b>

Najviše realizovanih sredstava u periodu januar-juni 2017. godine je u okviru Strateškog cilja 2: Uspostaviti efikasne sisteme upravljanja razvojem ljudskih potencijala i tržišta rada, u cilju povećanja zapošljavanja (društveni razvoj) u iznosu od 2.891.290 KM od čega je 2.886.920 KM realizovala JU Služba za zapošljavanje Tuzlanskog kantona za projekte vezane za zapošljavanje u okviru kojih je zaposleno 1.230 osoba.

## 4. Sažeti pregled operativnog/akcionog plana za 2018-2020

Prijedlog Operativnog/Akcionog plana sa finansijskim okvirom za implementaciju Strategije razvoja razrađen je na ciljeve, prioritete, mjere i aktivnosti. U okviru svakog cilja utvrđeni su određeni prioriteti i mjere sa definisanim aktivnostima, očekivanim rezultatima, nosiocima aktivnosti, periodom implementacije i izvorom finansiranja.

U akcionom planu 2018.-2020. godina obuhvaćeno je provođenje ukupno 48 mjera sa 113 razvojnih projekata od čega imamo i 17 razvojnih mjera u okviru kojih nisu planirani pojedinačni razvojni projekti te ih možemo nazvati opšte ili „samostalne“. U Tabeli 4 je vidljivo da je najviše projekata planirano u okviru Strateškog cilja 2 i Strateškog cilja 5, dok je najmanje projekata planirano u okviru Strateškog cilja 1 i Strateškog cilja 4.

**Tabala 4: Pregled po projektima i mjerama**

Strateški cilj /Prioritetni cilj	Broj samostalnih ili opštih razvojnih mjera	Broj razvojnih projekata
<b>Strateški cilj 1: Osigurati stabilnost i prosperitet razvoja privrede Tuzlanskog kantona (ekonomski razvoj).</b>	<b>10</b>	<b>18</b>
Prioritetni cilj 1.1.	2	18
Prioritetni cilj 1.2.	6	0
Prioritetni cilj 1.3.	2	0
<b>Strateški cilj 2: Uspostaviti efikasne sisteme upravljanja razvojem ljudskih potencijala i tržišta rada, u cilju povećanja zapošljavanja (društveni razvoj)</b>	<b>0</b>	<b>27</b>
Prioritetni cilj 2.1.	0	16
Prioritetni cilj 2.2.	0	11
<b>Strateški cilj 3: Poboljšati kvalitetu života, sigurnost i socijalnu uključenost građana i učiniti politiku socijalne zaštite pravičnom i djelotvornom</b>	<b>0</b>	<b>22</b>
Prioritetni cilj 3.1.	0	5
Prioritetni cilj 3.2.	0	8
Prioritetni cilj 3.3.	0	9
<b>Strateški cilj 4: Modernizovati i učiniti ekonomski održivom javnu infrastrukturu, prvenstveno saobraćajnu, vodnu i energetska.</b>	<b>5</b>	<b>18</b>
Prioritetni cilj 4.1.	1	13
Prioritetni cilj 4.2.	4	0
Prioritetni cilj 4.3.	0	5
<b>Strateški cilj 5: Uspostaviti funkcionalan sistem zaštite okoliša i održivog upravljanja prirodnim resursima</b>	<b>2</b>	<b>28</b>
Prioritetni cilj 5.1.	2	3
Prioritetni cilj 5.2.	0	15
Prioritetni cilj 5.3.	0	3
Prioritetni cilj 5.4.	0	7
<b>UKUPNO</b>	<b>17</b>	<b>113</b>

Ukupno planirana sredstva za realizaciju svih planiranih aktivnosti u periodu 2018.-2020. godina su na nivou od 230.247.392 KM. Iz vlastitih budžetskih sredstava je planirano 79.176.721 KM, a iz ostalih budžetskih sredstava je planirano 79.281.814 KM. Iz vanjskih izvora je planirano 49.120.647 KM.

Detaljan prikaz visina sredstava planiranih u sljedeće tri godine po strateškim ciljevima kao i izvorima finansiranja prikazan je u Tabeli 5.

Iz Tabele 5 je vidljivo da je najviše sredstava planirano u Strateškom cilju 1, dok je najmanje planirano u Strateškom cilju 5. Iz vanjskih izvora se najviše planira povući u Strateškom cilju 1, dok se najmanje očekuje u Strateškom cilju 5.

**Tabala 5. Struktura finansiranja po strateškim ciljevima i izvorima finansiranja 2018.-2020. godina**

<i>STRATEŠKI CILJ</i>	<i>2018-2020</i>	<i>VLASTITA BUDŽETSKA SREDSTVA</i>	<i>OSTALA BUDŽETSKA SREDSTVA</i>	<i>VANJSKI IZVORI</i>
Strateški cilj 1: Osigurati stabilnost i prosperitet razvoja privrede Tuzlanskog kantona (ekonomski razvoj)	111.780.441	26.543.854	55.674.000	29.439.253
Strateški cilj 2: Uspostaviti efikasne sisteme upravljanja razvojem ljudskih potencijala i tržišta rada, u cilju povećanja zapošljavanja (društveni razvoj)	29.517.665	5.980.753	12.058.912	3.056.667
Strateški cilj 3: Poboljšati kvalitetu života, sigurnost i socijalnu uključenost građana i učiniti politiku socijalne zaštite pravičnom i djelotvornom	59.860.717	31.363.655	4.905.500	9.033.310
Strateški cilj 4: Modernizovati i učiniti ekonomski održivom javnu infrastrukturu, prvenstveno saobraćajnu, vodnu i energetsku	24.138.068	3.949.000	12.086.568	8.199.500
Strateški cilj 5: Uspostaviti funkcionalan sistem zaštite okoliša i održivog upravljanja prirodnim resursima	10.517.501	4.804.459	2.243.834	2.361.917
<b>UKUPNO</b>	<b>235.814.392</b>	<b>72.641.721</b>	<b>86.968.814</b>	<b>52.090.647</b>

Detaljan prikaz visina sredstava planiranih u sljedeće tri godine po sektorima sa brojem projekata kao i izvorima finansiranja prikazan je u Tabeli 6.

**Tabala 6. Struktura finansiranja po sektorima sa brojem projekata i izvorima finansiranja 2018.-2020. godina**

<i>SEKTOR</i>	<i>BROJ PROJEKATA</i>	<i>2018-2020</i>	<i>VLASTITA BUDŽETSKA SREDSTVA</i>	<i>OSTALA BUDŽETSKA SREDSTVA</i>	<i>VANJSKI IZVORI</i>
Civilna zaštita	9	1.007.500	430.000	85.500	342.000
Energetika	11	7.013.000	1.760.750	3.357.500	1.581.000
Obrazovanje	16	10.447.665	5.280.753	2.936.912	3.056.667
Poljoprivreda	6	74.350.000	20.260.000	54.090.000	0
Privreda	16	10.186.441	5.168.121	1.580.000	3.358.320
Saobraćajna infrastruktura	7	34.771.000	1.032.000	3.372.000	30.367.000
Socijalna zaštita	3	3.430.000	350.000	1.850.000	1.430.000
Sport	5	14.173.217	1.300.322	2.970.000	6.861.310
Turizam	4	730.000	83.733	4.000	598.933
Vodna infrastruktura	16	13.233.069	4.324.001	6.491.569	2.514.500
Zapošljavanje	11	19.070.000	700.000	9.122.000	0
Zaštita okoliša	21	6.152.500	2.668.708	1.109.333	1.580.917
Zdravstvo	5	41.250.000	29.283.333	0	400.000
<b>UKUPNO</b>	<b>130</b>	<b>235.814.392</b>	<b>72.641.721</b>	<b>86.968.814</b>	<b>52.090.647</b>

Iz Tabele 6 je vidljivo da je najviše sredstava planirano u sektoru poljoprivrede, dok je najmanje planirano u sektoru civilne zaštite. Iz vanjskih izvora se najviše planira povući u sektoru saobraćajne infrastrukture, dok u sektorima poljoprivrede i zapošljavanja nisu planirana sredstva iz vanjskih izvora.

**Prilog:** Operativni/Akcioni plan sa finansijskim okvirom za period 2018-2020.godina Strategije razvoja Tuzlanskog kantona 2016-2020.godina – tabelarni prikaz